

摘藻堂四庫全書薈要

史部

欽定四庫全書叢要

史部

硃批諭旨卷十九上

詳校官編修臣繆晉

欽定四庫全書薈要卷七千八百九十八

史部

硃批諭旨卷十九上

硃批黃國材奏摺

雍正元年正月十七日福建巡撫

臣

黃國材謹

  
奏爲請

旨事竊臣於康熙六十一年十月二十一日蒙

聖祖仁皇帝特旨補授福建巡撫

臣跪聆

聖諭福建旗下官兵甚屬驕悍動輒鼓噪藐抗將軍副都

統前爲銀兩細事即欲劾將軍衙門督撫膜視總不料  
理此等刁風漸長斷然不可寬恕嗣後再有似此犯法  
之人爾即請出王命將爲首者不論官兵即行正法餘  
黨俱解送來京當差如將軍剋扣兵餉縱兵害民亦即  
據實題叅更有一種姦惡之徒唆人妄爲及被唆之人  
身罹重罪他却躲避竟得漏網若此等輩尤宜留心查  
出重處將朕此旨下與李樹德滿保欽此欽遵臣出京  
路過山東已遵

旨傳知李樹德到閩之日亦傳知滿保一體欽遵訖今宜

兆熊奉

皇上特旨補授福州將軍到閩之日應否將

聖祖仁皇帝訓旨下與宜兆熊欽遵之處臣未經

奏明不敢擅便理合摺奏伏乞

皇上指示遵行謹

奏

皇考約束駐防官兵寓寬於嚴

聖諭明切自應傳示宜兆熊永遠欽遵

雍正元年三月初六日福建巡撫臣黃國材謹

奏爲奏

聞事查得福建地方仰賴

聖主福庇今年正月二月各府州縣雨水俱各霑足將來油菜二麥可望收成目下福州興化二府米價每石一兩泉州漳州二府每石一兩一二錢不等延平建寧汀州邵武等府每石九錢一兩不等臺

灣府每石七錢八錢不等理合

奏明以慰

聖懷謹

奏

覽奏雨水米價情形俱悉爾此番撫閩稍不及向日聲  
名勉之

同日又

奏爲奏

聞事竊查各省駐防官兵子弟蒙

恩養皆有志讀書苦無上進之階欲回京應試則微  
弁窮兵進京路遠盤費艱難可否推廣

皇仁恩准駐防官兵子弟令其就近聽該省學臣考試  
酌量許進文武生員幾名遇鄉試之年仍令赴京  
鄉試庶八旗子弟益加鼓勵讀書得以上進皆我  
皇上造就之

天恩也是否可行出自



聖恩爲此具摺謹

奏

駐防官兵子弟赴考京師行李維艱之處朕亦曾念及但外省設立駐防原爲彈壓地方起見專以武備爲重准其子弟科舉已屬特恩若竟令隨本省民人就近考試恐皆爭尚虛文從風而靡殊與重武備專防禦之本旨不符非美政也

雍正元年四月二十五日福建巡撫

臣

黃國材謹

奏爲叩請

聖安並懇

皇上節勞頤養事欽惟我

皇上至孝性成每因追念

先帝悲痛倍深親送

梓宮奉安

陵寢躬捧

神主回京往返跋涉

聖躬過勞今

先帝大事已竣伏乞

皇上念

宗社爲重悲痛之思勉加節減卽萬幾待理亦望

皇上少爲節勞不致過費

聖心則

孝治益隆

皇圖永賴實天下臣民之至幸也

臣受

恩深重犬馬戀

主之忱情不自已用敢具摺叩請

聖安並懇

節勞頤養爲此謹

奏

覽爾摺奏情詞懇切已悉愛敬之誠滿保處存有密旨  
甚明無庸爲朕過慮也

同日又

奏爲請復熱審減等之例以廣

皇仁事伏查

聖朝定例自順治八年奉有熱審減等之條遵行甚久  
康熙四十三年停止熱審蓋恐罪人希冀減等挨  
延時日不無夤緣賄縱之弊是

先帝杜絕陋弊之至意臣何敢瀆奏請復但近年以來凡  
遇夏月必蒙

特沛恩綸暫釋刑具仰見

先帝格外哀矜猶寓減等之盛心臣見閩廣地方潮濕監

犯之苦更甚伏思

皇上慎重民命直省讞案必

親加詳察多予矜全我

皇上好生之德真同

高厚臣愚以爲此夏日罪囚似宜仍復熱審舊例准其

減等如慮延挨倖免則嚴飭各官凡有罪犯按限

完結毋聽胥吏作弊遲延有犯此者除本犯不准

減等外官吏嚴加議處如此庶囹圄之內悉蒙  
寬恤之仁作弊姦胥亦凜處分之重矣是否可行

恩出

聖主爲此謹

奏

此事朕經特降諭旨已列於

聖祖入廟詔條之內但入

廟擇期尚在九月目今熱審將屆減等之恩遲則今歲不

及矣爾所奏甚是現在發部議行

雍正元年五月十四日福建巡撫臣黃國材謹

奏爲恭繳

硃批事雍正元年五月初六日臣齋摺家人回閩捧到

臣奏請將駐防官兵子弟就近考試一摺奉

皇上御批到臣跪讀之下仰見

皇上天縱聖明

睿慮至深極遠臣知識短淺實實見不及此詳繹



諭旨自知冒昧不勝惶悚謹將

御批原摺恭繳伏乞

睿鑒謹

奏

覽奏已悉但不可因此沮抑遂畏懼而不敢言不寧惟是即朕特降之諭旨如有牽制難行無益於地方民生處不妨封固繳奏將爾所見備悉縷陳君臣內外互相參酌必求合於盡善而後舉措方可免謬舛疎漏之虞

書曰汝無面從退有後言若一切阿順勉強遵奉非朕所望於爾等之意也總之爾但自省可以告之

天地鬼神而不愧怍之事勇往直前坦然爲之即誤被朕所嗔責亦何懼之有倘計不出此而惟瞻徇迎合是務雖或一時倖邀朕之獎賞其如

昭昭在上凜然難欺何爾等領會朕意勉力講求一箇是字盡心圖維一箇當字則一生之能事畢矣誌之

同日又

奏爲恭繳

硃批事竊

臣

齎摺家人回閩捧到

臣

奏雨水年成一摺

奉

皇上御批到

臣

跪讀之下不勝悚惶羞愧之至伏念

臣祖父子孫世受

國恩即肝腦塗地實難報稱今蒙

皇上不加譴責

恩賜教誨

臣

惟有欽遵

諭旨凡事實心効力仰報

皇上眷注之恩於萬一但臣年已六十四歲精力日衰  
邊海地方事務紛繁惟恐思慮不到難免錯誤叩  
懇

皇上不時教訓俾臣得免隕越實爲至幸爲此具摺叩  
謝

洪恩并將

御批原摺恭繳謹

奏

君臣爲五倫首重內外本一體相關惟宜中正真實同心合德彼此期於披誠無間而已人非聖賢孰能無過偶然錯誤勿慮朕不爲爾原諒也

同日又

奏爲奏

聞事竊查福建地方今年油菜二麥收成豐足米價平賤已經繕摺奏

聞現今四五兩月各府州縣雨水俱各霑足早稻十分  
茂盛目下米價福州府每石九錢一兩不等興化  
泉州漳州等府每石一兩至一兩一錢不等建寧  
延平邵武汀州等府每石九錢一兩不等臺灣府  
每石八錢九錢不等地方寧謐百姓俱各安居樂  
業理合具奏以慰

聖懷爲此謹

奏

據奏雨水霑足地方寧謐民咸安居樂業此皆爾等督撫正已率屬措施合宜感召

天和之所致也勉之

雍正元年七月二十九日福建巡撫

臣黃國材謹

奏爲恭繳

諭旨叩謝

天恩事

臣齎摺把總回閩恭捧

臣前奏雨水年成一摺

奉有

御批到臣跪讀之下不勝感激惶悚之至伏念我  
皇上踐膺寶位以來

仁覆同天

愛民如子用是上感

天心甘霖時沛臣勉循厥職時切隕越之懼曷克感召  
天和乃蒙

聖語褒嘉勉勵臣惟有恪遵

訓旨以期無負



獎勵訓勉之

天恩所有奉到

御批理合恭繳再查福建福州等各府地方於七月十七八九等日俱得大雨田疇霑足臺灣府地方雨水亦俱霑足晚稻禾苗茂盛米價七八錢不等合併奏

聞以慰

聖懷謹

奏

雨澤優渥大慰朕懷凜茲

上蒼之眷顧倍勵臣節之清勤勉之敬之

同日又

奏爲恭繳

諭旨叩謝

天恩事

臣齎摺把總回閩恭捧到臣奏繳

硃批事一摺奉有

御批臣跪讀之下仰見我

皇上訓誨周詳

綸言諄切臣恭遇

堯舜之君惟自愧無報効之實何敢畏懼不言以負廣  
諮博詢之至意凡有一得之愚或稍有益於

國計民生之事無不據實直陳仰祈

睿鑒至於一字欺隱一言迎合欺

聖主以欺

天臣雖至愚斷不敢爲也所有奉到

御批理合恭繳謹

奏

果如所奏將見我君臣治隆福集用敷錫厥庶民而蒼生被澤無窮矣期共勉之

同日又

奏爲調補撫標官員事竊查福建濱海地方人情刁

此論

切當廣東亦然

悍多事時有盜賊竊發迥與他省不同臣標遊擊

守備有應援全省之責必得諳練營伍熟悉地方

形勢者庶幾可收實效今有臣標中軍左營遊擊

員缺查有臣標右營遊擊蘇明良整飭營伍訓練

兵丁洵屬能員以之調補誠爲人地相宜銜缺相

當至右營遊擊員缺查有臣標右營中軍守備陳

棟年富力強才猷練達堪以補授其右營守備員

缺查有臣標左營千總連英人材壯健技勇兼優

堪以補授又臣標左營守備楊士虎身故員缺接

准部咨令於年滿千總內考驗題補但恐入地未必相宜查有臣標左營千總徐德年力精壯弓馬熟嫻堪以補授臣查陳棟係署守備小銜又定例守備缺出將部發年滿千總補放現任千總不准題補與例均屬不符部議必不准行但福建地方非比內地臣之標員非比外營叩懇

皇上逾格施恩准其補授實於地方營伍大有裨益矣理合具摺奏明伏乞

睿鑒謹

奏

海疆重地緊要員缺應以得人爲務原不必拘於成例  
膠柱鼓瑟也具本時將與例不符之處備細聲明朕自  
有裁奪

雍正元年八月十二日福建巡撫

臣

黃國材謹

奏爲請禁服色僭越以維風俗事竊查風俗奢靡由  
來已久服色條例歷經遵

旨飭禁在案而奉行者視爲具文僭越者毫無忌憚臣

思章服爲上下尊卑體統所繫豈容紊越況物力艱難尤宜愛惜臣歷任外吏目擊地方淳樸者頗多殷實貧瘠者必係奢靡而邇年臣在

京師親見八旗風俗大抵崇尚奢靡悉因衣服貴賤相同上下無別是以毫無約束不知節省臣愚以

爲欲致百姓之富庶旗人之殷實必以嚴禁奢侈分別服色爲先臣請



皇上嚴禁僭越杜絕奢華凡在京在外現任官員每日  
按品俱穿補褂其有職未仕之人許穿暗織補服  
至白丁下賤人等止許穿黑色布疋不得混穿各  
色綾羅錦緞以及貂皮狐皮種種冠服違者以僭  
妄論從重治罪如是則以次節儉返樸還淳風俗  
以正民生以厚矣臣冒昧奏

聞是否可行仰祈

睿裁謹

奏

此奏切中時病在廷羣工比比奏請奢僭之弊朕亦稔知但以陋習因循已久一旦遽然禁止若非立法嚴峻有犯無宥不能使之永遠遵奉揆之於理移風易俗宜漸不宜驟究以從容不迫爲貴爾等內外諸卿姑且徐徐勸導誘掖維持倘仍不改革然後嚴爲定制以法繩之耳朕御極之初諸務未遑豈宜汲汲舉行此事耶稍遲歲月朕另有處置所奏甚是

雍正元年九月十一日福建巡撫臣黃國材謹  
奏爲恭繳

諭旨事竊臣齎摺千總回閩臣跪接  
特頒諭旨捧讀之下仰見我

皇上愛養百姓惟恐弗周防範地方惟恐弗至從古帝  
王未有如我

皇上之教養兼施於安民戢盜之宜若此之

仁無不育

明無不照者也。臣查得閩省自前任撫臣覺羅滿保通

行社倉捐貯穀石現存四萬餘石今年仰賴

聖主福庇年歲可望豐收米價自必平減。臣當率領各  
社倉一事多方勸諭士民樂輸方好稍涉勉強即屬苛  
官竭力捐貯顆粒不派於民再勸諭紳衿士民聽

政

其情願隨力捐輸以備濟用至設立保甲一事臣

必欽遵

聖諭不時詳察。必賴此四字方有成效如有實力奉行者加以獎勵分別勤惰

以示勸懲至胥役兵丁串通地方匪類賭博竊盜

貽害良民臣當遵

旨日夜在心察拏處治俾得痛除惡習以無負  
皇上化民成俗之至意總之臣受

恩深重蒙

皇上凡事教誨指示開導臣敢不恪遵

若不用此實字只泛泛貼數張告示何殊畫餅以療饑  
訓旨率領各屬實心實力事事舉行以期仰副

耶聖心於萬一所有奉到

諭旨理合恭繳謹

奏

覽奏情詞真切所行必力甚屬可嘉勉爲之

同日又

奏爲奏

聞事竊督臣覺羅滿保與臣面商浙江地方今年雨水  
短少米糧不能接濟寧波等處民食維艱福建今  
年雨水調勻各府秋成可望米價平賤欲將福建  
省城撥米五千石臺灣府撥米五千石由海運至

寧波等處地方減價平糶以濟民食除現在督臣  
會臣行文地方官撥運外理合奏

聞謹

奏

移粟平糶以濟隣封實爲善舉凡爲督撫大吏者當思  
寰宇之內莫非王民自應視爲一體何分彼此之見耶

雍正元年十月初六日福建巡撫

臣

黃國材謹

奏爲奏

聞事竊臣蒙

皇上種種

天恩有加無已臣自問何人膺茲

眷顧雖永矢捐糜莫能仰報臣自到閩以來查得建寧

府延平府至福州府地方山路崎嶇行走艱難臣

捐銀委官修理平寬又查此三府水路俱係灘河

險厲非常臣捐貲協同督臣委官修鑿又臣准部

文賞給琉球國王使臣人等緞布等物臣俱置辦



照數賞給又省城內有鰲峯書院一所係生童讀

書之地年來房屋傾圯

臣

捐貲修葺又查

臣

標兩

營馬步兵丁衣衫藍縷

臣

捐貲置備布衣一千四

百套按名給與其器械旗幟已收拾整齊鎗手火

藥俱捐貲給與將備千把頭目亦俱給與銀兩衣

服等物以示獎勵哨船朽壞

臣

俱捐貲修造又查

福州府城垣年久不無傾圯之處

臣

會同督臣捐

貲修葺凡此皆

臣

分所當爲何敢奏瀆

宸聰惟是臣仰見一切有關地方有益民生之事無不

上塵

聖懷合將臣到閩以來捐辦各事宜具摺奏

聞以稍紓

睿慮於萬一伏祈

聖鑒謹

奏

大抵凡事惟宜務實果有其實不待爾之陳奏朕亦頗

能照察也勉力爲之

雍正元年十月十八日福建巡撫

臣

黃國材謹

奏爲恭繳

諭旨叩謝

天恩事竊

臣

齊摺把總回閩

臣

跪開

賞賜黃匣奉到

臣

前奏調補撫標官員一摺奉有

硃批

臣

捧讀之下仰見

皇上洞鑒邊海地方緊要營伍務在得人雖與例不符

皇上自有

聖裁凡屬將弁莫不感戴

天恩踴躍奮勵實心効力仰報

主恩於萬一所有奉到

御批理合恭繳叩謝

天恩謹

奏

古人內舉不避親外舉不避讎舉賢薦能總要出於至

公無私經云知人則哲在聖人猶以爲難若欲所舉之人始終不渝更爲不易惟公之一字既可以弭衆論亦足以釋己之遺憾其要訣未有過於此者至於營私射利之輩種種不一則不可同日而語矣有寧候朝廷選用入來向其需索而不肯爲擔干係者有舉後向之索取者更有貪饕之徒併此等干係都不暇顧慮惟估定價值擇其數多而從之者似此尤爲可憐也若非但知有國而不知有身之人不能勝封疆之任亦斷不可操

薦舉之衡且觀人之法宜信目勿信耳必考其實行以品定賢否毋因其語言面貌而被所愚惑也切諭

將此諭與滿保看爾省中凡有保薦之任者皆使知之

雍正元年十一月初九日福建巡撫

臣

黃國材謹

奏爲奏

聞事竊查今年福建地方晚稻豐收業經

臣

具摺奏

聞自十月以後又陸續得雨米價照前八九錢一兩不

等又前經督

臣

滿保會商於福建省城併臺灣府

其撥米一萬石運至寧波平糶亦經奏

聞嗣因浙江象山定海等處地方需米接濟經督臣將  
福州府撥米改爲七千石臺灣府撥米改爲一萬  
石遣官分送不日俱可抵浙合併奏

聞以慰

聖懷謹

奏

覽奏已悉深慰朕懷

同日又

奏爲遵

旨奏明再叩

天恩事竊臣前奏懇

皇上天恩請將臣標千總連英徐德二人補受臣標左  
右兩營守備緣由一摺奉

硃批海疆重地以得人爲務具本時將與例不符之處  
備細聲明朕自有裁奪欽此今准兵部咨開議得臣



前題請以千總連英徐德補授臣標左右兩營守  
備之處與例不符均無庸議等因但臣查千總連  
英徐德雖與例不符然在閩日久誠爲人地相宜  
是以臣於七月二十七日一函具疏保題并具摺  
叩懇

天恩破格補放已蒙

聖明洞鑒今部議不准臣謹遵

諭旨將與例不符緣由聲明另行具本題請外理合具

摺奏明仰祈

皇上格外施恩准將千總連英徐德補授臣標守備則  
於地方營伍實有裨益矣伏乞

皇上恩准施行謹

奏

前者朕於部覆時偶爾忽畧矣君臣之間事事皆當如  
此推究方無舛誤之失果能自信無歉一切不必畏縮  
若稍有疑貳則宜慎之

雍正元年十一月十九日福建巡撫臣黃國材謹  
奏爲恭繳

諭旨事臣齎摺家人回閩捧到臣前奏撥福建米糧接  
濟寧波地方平糶一摺奉有

硃批跪讀之下仰見我

皇上民胞物與

高厚同仁誠視天下爲一家視億兆爲一體欲海內元  
元無不歌樂利而慶豐亨臣欽服感奮仰體

聖主愛民之

盛心事。事實心。辦理以圖報。

主恩於萬一所有奉到

御批理合恭繳謹

奏

果能如此奮勉可謂老當益壯朕實嘉悅之至古人云  
爲善日強爾之事業寧可限量耶

同日又

奏爲恭繳

諭旨叩謝

天恩事

臣齎摺家人回閩捧到臣前奏爲社倉保甲稽

察賭盜等事一摺奉有

皇上硃批訓勉褒嘉至再至三惟欲臣等事事實心實

力奉行期於家給人足盜息民安

聖衷始爲少慰

臣

敢不恪遵

訓旨嚴飭所屬總以實心實力四字共相勉勵不敢視

爲具文虛應故事有負

皇上愛民如子之

聖心所有奉到

御批理合恭繳叩謝

天恩謹

奏

閩省有滿保同爾經理朕可坦懷無慮但目前亦不過  
隨事酬應猶不得遂謂克諧治平之道也必能移風易

俗爲地方上立千百年永垂不壞之良模方可稱體國  
宣猷之賢臣耳目身心一時毋少怠忽務須正己率屬  
以實心而敷實政舉凡有益於國計民生之事我君臣  
互相推誠從容商較以協時措之宜漸臻化行俗美物  
阜民安始不虛負

聖祖數十年生成教養之深仁厚澤也期共勉之

雍正二年正月初三日福建巡撫

臣

黃國材謹

奏爲恭繳

諭旨事臣齎摺把總回閩奉到臣前奏恭繳

諭旨一摺欽奉

硃批臣跪讀之下仰見我

皇上慎重官方洞悉利弊

特頒諭旨訓誨周詳無非欲臣等公忠報

國期於保薦得人之至意臣即遵

旨與督臣滿保公同跪看并通知省中將軍都統提鎮

諸臣一體欽遵外臣惟有恪遵



訓旨凡事從公以仰報

皇上訓勉指示之

天恩於萬一所有奉到

御批理合恭繳謹

奏

進賢退不肖爾等之專責也非公無以濟明朕之前諭  
其繹之毋忽

雍正二年正月二十五日福建巡撫

臣

黃國材謹

奏爲恭謝

天恩事竊臣前奏

君恩實難圖報等事一疏奉

旨黃國材乃

皇考簡用之人自撫閩以來操守廉潔辦事明白軍民共  
相愛戴今雖年老身尚健壯着照舊供職不必以衰  
老求罷該部知道欽此臣跪讀之下不禁感激涕零  
隨恭設香案望

闕叩頭謝

恩訖伏念

臣

自到閩一載以來日夜焦思兢惕恐懼寢

食不寧精神頓減是以具疏乞休冀免隕越之愆

荷蒙

皇上綸言獎勵至於此極

臣

又何敢自惜衰老不思報

効臣之精神志慮稍可支撐一日即當爲

皇上効力一日倘至十分衰邁不能効力之時叩懇

天恩容臣奏請休致俾得優游

聖世爲期尚早保餘年再臣賦性愚拙倘思慮不到或有錯誤生民繫重

叩懇

皇上父子均任封疆何謂孤立此等套語儘可不必天恩憐臣老邁念臣孤立不時

教誨始終保全臣之萬幸除另疏恭

謝外所有感激微忱先行繕摺叩謝

天恩伏祈

睿鑒謹

奏

覽

同日又

奏爲恭謝

天恩事雍正二年正月十四日

臣齎摺家人回閩恭捧

皇上恩賜

御書福字一幅到

臣

恭設香案望

闕叩頭謝

恩祇領訖伏念

臣

至愚極陋毫無報効茲值新正上元

令節荷蒙

皇上錫福自天

臣實感

恩無地此不獨

臣

之一身及

臣

世世子孫俱得蒙

皇上之福即海疆萬民人人普被歲歲盈寧亦莫不均

沾

洪福於無窮矣理合繕摺叩謝

天恩謹

奏

福之一字朕原與天下臣民共之者也

同日又

奏爲恭謝

天恩事臣齋摺家人回閩恭捧兩次荷蒙

皇上天恩賞賜湯羊克食到臣臣恭設香案望

闕叩頭謝

恩祇領訖伏念臣蒙

皇上天恩眷顧兩次遠

頒克食臣自問何人疊膺

異數感激欣幸莫可名言臣惟有在閩一日竭盡一日

心力圖報

聖恩於萬一理合奏謝

天恩謹

奏

海疆赤子正資爾愛養撫治朕之所以期望爾者豈止  
一日二日一年兩年耶勉之



同日又

奏爲恭繳

諭旨事

臣齎摺家人回閩捧到

臣

前奏雨水年成並續

運米石接濟浙江象山等處一摺奉有

硃批

臣

跪讀之下仰見我

皇上念切民生實欲使海宇之內無一人一處不被

深仁厚澤之至意再查閩省交新正以來風和日暖民  
間因豐收之後米價甚平每石八錢九錢不等各

府地方俱各寧謐臺灣府地方亦甚安靜合并奏聞以慰

聖懷所有奉到

御批理合恭繳謹

奏

歲豐米賤地方寧靜朕心深慰三月三日京師甘霖大霑中外歡欣特諭爾知應爲朕慶喜也

雍正二年二月二十四日福建巡撫

臣

黃國材謹

奏爲恭繳

諭旨事

臣

齋摺把總回閩捧到

臣

前奏恭繳

諭旨一摺欽奉

硃批

臣

跪讀之下仰見我

皇上信任之重勉勵之切不勝感激欽服之至伏讀

諭旨目前隨事酬應猶不得謂克諧治平之道也必能

移風易俗爲地方上立千百年永垂不壞之良模方

可稱體國宣猷之賢臣

諭旨及此尤見我

皇上治益求治安愈求安之

聖心竊思

聖祖仁皇帝六十餘年生成教養深仁厚澤固已登斯民  
於衽席措天下於治安我

皇上御極以來

祖述憲章勵精圖治宵旰不遑已足令九州六合俗  
美風移所行之政皆千百年永垂不壞之良模至

臣在閩應行事宜嗣後惟有恪遵

訓旨仰體

聖心務期與督臣滿保共相勉勵耳目身心不敢一時  
少忽正己率屬以實心而敷實政仰報

皇上天恩於萬一所有奉到

御批理合恭繳謹

奏

自古堯舜之君亦必資贊助之臣朕雖有治益求治安

愈求安之心全賴爾等封疆大吏竭力效忠宣猷布化  
始克奏熙皞豐亨之效也勉之勿懈

雍正二年三月二十六日福建巡撫臣黃國材謹

奏爲奏

聞事竊查福建各府地方於二月二十四五等日俱得  
大雨至三月十九并二十四五等日又得大雨日  
下雨水俱各霑足稻田盡皆插秧早麥已經秀實  
福州等府米價照常臺灣府米價七錢八錢不等

理合奏

朕懷實慰北數省雨澤亦皆應時疊霽

聞以慰

天

恩溥博朕感戴之誠殊非言語所能形容也

聖懷又上年冬季因浙江寧波等處米糧不能接濟經

督臣滿保會商臣撥動福州臺灣二處米三次共

三萬七千石運往浙江平糶嗣又因台州温州等

處食米尚有不足督臣會商臣撥動福寧州米一

萬石委官運往平糶近又據督臣查看得浙江缺

米地方再得米二萬石可以接至麥熟又會商臣

委官往臺運米二萬石分送平糶總俟米價解閩之日即於產米地方照數買補還倉合併奏

聞謹

奏

汝等和衷協恭自必庶務咸宜可嘉之至

同日又

奏爲恭聆

訓旨事竊臣據提塘宋士璞遞到內閣交出



諭旨一封臣敬謹跪開係臣前題請省可省之章奏等  
事一疏奉

旨

聖祖仁皇帝御極六十餘年孜孜圖治

聖壽已至七旬猶日攬萬幾不倦於勤朕仰承鴻業自宜  
效法前規朝乾夕惕事無鉅細親爲裁斷豈當年富  
力強之時而可稍圖暇逸乎如果中外大臣仰體朕  
心抒忠爲國辦理事務井井有條雖封章堆疊朕心

樂於披覽不以爲勞若不殫心竭力苟且塞責以致  
事務廢弛雖日無一章朕心豈得安乎今黃國材身  
爲封疆大吏自應將地方利弊作何興革官員賢否  
作何勸懲之處盡心辦理何得以省簡奏章之事爲  
愛君之意迎合君上況伊曾以年老氣衰具疏乞休  
止應養其精神料理伊任內事務今迎合瀆奏用心  
於無益之地殊屬不合原本著發回欽此臣跪讀之  
下不勝恐懼羞愧之至臣受

恩深重仰見我

皇上自登大寶以來綜理萬幾刻無寧晷微臣愚昧之  
見惟恐過費

天心是以冒昧具奏伏讀

訓旨臣惶悚愧悔無地自容臣惟恪遵

聖訓於任內事務竭力辦理熟察利弊悉心興革確訪  
賢否實力勸懲以仰副

皇上訓勉至意於萬一而已所有恭頌

訓旨理合具摺奏

聞爲此謹

奏

汝既有愛君之誠何妨摺奏以達汝意率爾具本特題殊屬不合於體也

雍正二年閏四月十三日福建巡撫臣黃國材謹奏爲奏

聞事竊查福建地方三月四月連次得雨經臣具摺奏

聞今自交閏四月以來又經連次得雨禾苗十分茂盛  
福州府米價每石九錢一兩不等興化泉州漳州  
等府每石一兩一二錢不等延平建寧汀州邵武  
臺灣等府每石八錢九錢不等地方寧靜人民樂  
業合再奏

聞以慰

聖懷謹

奏

閱爾所奏深慰朕懷畿內時雨霑足秋禾長發茂盛各  
省麥收大槩不相上下朕荷蒙

天地洪慈

皇考靈聖默賜眷佑陰陽順序年歲頻登惟以手加額感  
激慶幸而益深警惕耳

同日又

奏爲恭繳

諭旨叩謝

天恩事臣齋摺家人回閩捧到臣前奏恭繳

硃批一摺欽奉

諭旨仰見我

皇上敬

天法

祖既宵衣旰食之不遑置腹推誠亦心膂股肱之是倚臣  
知識淺陋無以仰贊

高深惟恪遵

聖訓不敢一刻自圖暇逸不敢一毫稍存欺飾以期仰中孚之實由於不欺果能如此朕心何有未慊也

副我

皇上治益求治安愈求安之

聖心於萬一而已所有奉到

御批理合具摺

奏繳謹

奏

聖人惟以敏行爲貴故曰古者言之不出恥躬之不逮



也君臣當共勉之

同日又

奏爲恭繳

諭旨叩謝

天恩事臣齎摺家人回閩捧到臣前奏繳

諭旨一摺欽奉

硃批爾果能如此奮勉可謂老當益壯朕實嘉悅之至  
欽此臣跪讀之下不勝感激踴躍之至伏念臣以

庸愚疊荷

聖恩高厚勉勵褒許至再至三臣惟有益加奮勉整頓精神實心效力以仰副

皇上眷顧之

洪恩於萬一而已所有奉到

御批理合恭繳叩謝

天恩謹

奏

爾不必爲爾子黃炳憂慮朕非有譴責之意因伊少年  
心性尚氣陵人與衆不睦謗言日盈於耳朕包容已一  
載矣若令久於外任恐致不能保全朕故將伊調回畀  
以內職以稍挫其鋒銳且使之得以歷練老成其才其  
志將來猶可任用也便中密諭爾知亦可不必令黃炳  
與聞

雍正二年五月初五日福建巡撫

臣

黃國材謹

奏爲恭繳

諭旨叩謝

天恩事

臣

齋摺把總回閩捧到

臣

前奏雨水年成並續

運米石接濟浙江寧波等處地方一摺奉有

硃批

臣

跪讀之下不禁感激欣幸歡忭之至

臣

幸生

聖世伏見我

皇上念切民生

聖心與

天心相為孚應既目覩閩省之甘霖疊降又欣聞北數省

之雨澤應時臣惟與宇內億萬蒼生感激

呈上天恩相與額手稱慶而已至運米赴浙荷蒙

諭旨屢賜褒嘉臣感激欣幸莫可名言惟有益加勉勵

於地方民生之事竭盡心力恪謹奉行以期仰副

我

皇上嘉獎臣愛惜民生之至意於萬一所有奉到

御批理合恭繳叩謝

天恩謹

奏

所慮者第恐有名無實耳果能爲國爲民一念精純奉行不急

上蒼自有照鑒見得透信得真其效如響之應聲影之隨形至於朕之褒嘉獎譽猶爲第二義

同日又

奏爲奏

聞事竊查福建地方自三月四月至閏四月連次得雨

米價照常經臣具摺奏

聞今於閏四月二十一至二十五等日又得大雨四郊  
霑足田禾茂盛米價照常又查臺灣府於四月二  
十七八等日亦俱得雨地方寧靜人民樂業合併  
奏

聞以慰

聖懷謹

奏

人事修而後

天和應陰陽序而後雨澤調若非爾等大吏措置有方令  
行政舉曷克臻此朕實欣慰之至益加敬畏勉勵可也  
同日又

奏爲欽奉

上諭恭謝

天恩事竊臣據閩浙督臣覺羅滿保齎摺把總捧到兵

部交發



欽頒

御筆課農勸墾

上諭到閩臣出郊跪迎恭設香案望

闕叩頭跪聽宣讀祇領訖隨分頒司道府廳州縣各官  
一體欽遵仰見我

皇上念切民依無遠弗周無微不至

睿慮精詳

聖謨深切實爲從古帝王之所未有

臣

惟督率各屬恪

導

諭旨倡導鼓勵務使無有廢時無有失業其沿山可以  
開墾及近海可以築堤之處務令設法墾治因地  
制宜仍諭以孳生畜牧之法俾轉惰爲勤豐衣足  
食以期仰副我

皇上嘉惠元元廑念民依之

聖心於萬一所有

臣欽導

諭旨奉行緣由理合奏

聞謹

奏

莫謂迂遠而泛泛視之當曲體朕心勤懇勸導以期水到渠成之效

雍正二年五月十八日福建巡撫臣黃國材謹

奏爲恭謝

天恩事竊臣接閱家信內稱奉

旨聞得山東巡撫黃炳伊屬官百姓皆有怨聲且省內

政事與伊原奏之語不符亦不能有益於地方看其  
爲人存心才幹還好著學士陳世倌與黃炳調補欽  
此臣聞

命之下不勝感激之至隨恭設香案望

闕叩頭謝

恩訖竊思臣子黃炳自蒙

皇上簡畀封疆以來少年未諳才不稱職是以臣朝夕

焦思寢食憂慮臣子一日身任封疆臣心一日惴

惴未安今臣子奉職無狀不能有益地方乃蒙  
皇上不加譴罪

特頒諭旨調補內閣學士臣子樗櫟下材獲膺

洪恩優渥終始矜全臣感激

主恩情不能已至於流涕臣惟有勗勉臣子黃炳凡事

恪謹實心効力不敢稍有懈怠以期圖報

高厚於萬一理合具摺叩謝

天恩臣不勝感激悚惶之至謹

奏

朕已將黃炳用爲刑部侍郎矣爾當勗勉之令其恪謹  
奉職又聞爾長子黃焜人材亦優朕欲擢用爲按察使  
且密之勿宣

雍正二年五月二十一日福建巡撫臣黃國材謹  
奏爲奏

聞事竊查福建地方雨水霑足田禾茂盛經臣於五月  
初五日具摺奏

聞今查福州等七府及臺灣府俱各雨水霑足早稻現  
在收割米價照常地方寧靜人民樂業惟據泉州  
府知府王道成報稱於五月初七八等日大風初  
九初十等日大雨溪水泛漲低窪田禾被淹又城  
墻倒塌十餘丈等語臣差役往查其早種之稻已  
經秀實者無甚妨礙遲種之稻被風吹雨浸收成  
歉薄臣仰體

皇上愛民至意隨委興化府知府卞永嘉齎帶銀兩前

如此

自無緩不濟事之咎

往會同地方官確勘被傷之人民即量加賑恤捐

給稻種補種晚稻務期不至失所至倒塌城垣現

在查明併令修築堅固合併奏

聞以慰

聖懷謹

奏

似此偶有歉收即隨宜撫恤貧民不至失業濱海黎庶  
朕復何憂耶



雍正二年六月十四日福建巡撫臣黃國材謹

奏爲恭繳

諭旨叩謝

天恩事臣齋摺家人回閩捧到臣前奏雨水米價一摺

奉有

硃批臣跪讀之下仰見我

皇上念切民生凡在海宇之內雨暘寒燠時厯  
宸衷至於閩省之雨澤霑足米價平賤實係我

皇上聖德感召臣惟與海疆百姓羣沾

渥澤共戴

皇仁而已所有奉到

御批理合恭繳叩謝

天恩謹

奏

雖云

上天錫福於朕亦賴爾等內外臣工有以匡襄贊助屢省

乃成方克致休徵之應也期其勉之

同日又

奏爲奏

聞事竊福建泉州府於五月初七八等日風雨過驟收  
成少薄經臣委員賑恤已經具摺奏

聞今續據泉州府報稱五月二十九至六月初一等日  
連日大雨初二日雨止水退早禾俱已收完並無  
衝壞但窪地民房被淹一百二十餘間等語臣即

委員查明被淹之家量給銀穀毋令失所又據汀漳道報稱漳州地方於五月二十八至六月初一  
等日連日大雨初二日雨止水退幸旱禾俱已收  
割不致損傷等語臣隨委員會同該府查明被淹  
之家量給銀穀毋致失所其餘福州等府早稻俱  
已收完實有九分十分收成即漳泉兩府亦有六  
七分收成再查臺灣府雨水霑足田稻茂盛各府  
米價照常人民安堵理合奏

聞謹

奏

民間祁寒暑雨亦所時有惟宜據事直告不得絲毫隱飾以蹈欺蔽之愆也

同日又

奏爲恭頌

聖訓據實回奏事竊臣准閩浙督臣滿保抄送

上諭一道到臣跪讀之下不勝恐懼羞愧之至臣愚昧

之罪實無所逃除邵武府知府李秉衡等經督臣  
先後會疏題叅併委官嚴查各員家產另奏外臣  
嗣後惟恪遵

訓旨不時詳察屬員內如有貪婪不肖居官聲名不好  
者臣即據實糾叅不敢稍爲姑容徇隱自取罪戾  
叩懇

皇上天恩恕臣愚昧容臣改過以贖前愆臣實萬幸謹  
將恭領

聖訓及臣愚昧實情具摺回奏伏乞

睿鑒謹

奏

既往可以不咎向後類此等事宜加檢點毋自棄以見  
棄於朕也慎之

同日又

奏爲恭領

聖訓事竊臣准閩浙督臣滿保抄送

上諭一道到臣臣敬跪讀知蒙

皇上天恩諭以保甲弭盜之法且更

念保甲弭盜行於鄉村尚未行於江湖又頒

訓旨將南方水程之上行刼商民不用器械不露形跡

或用迷藥或用悶香種種情形

指示明晰令臣等加意防範嚴加緝捕併查駕船爲業

之人令保甲隣佑具結給票詳書姓名籍貫併攬

載緣由記冊存查遇有失事按冊追緝不難弋獲



仰見

皇上至聖至明無微不照臣查閩省山海交錯盜賊實

多茲蒙

諭旨臣自當凜遵

訓示嚴率各屬實力奉行以仰副我

皇上戢盜安民之至意所有恭領

訓旨緣由理合奏

聞謹

奏

正須實力奉行豈在言語章奏間耶嚴飭各屬員毋得苟且塞責虛應故事如有窒礙難行之處不妨據實奏覆切勿陽奉陰違令天下後世竊笑我君臣徒於紙上談兵也

雍正二年六月二十五日福建巡撫

臣

黃國材謹

奏爲恭繳

諭旨叩謝

天恩事雍正二年六月二十一日臣齋摺家人回閩捧

到臣前奏雨水米價一摺欽奉

硃批臣跪讀之下伏念我

皇上事事敬

天法

祖時時貴粟重農所以爲地方民生計者周備詳悉有加

無已是以感孚

天地與

聖祖在天之靈無不垂慈默佑京畿之雨澤霑足禾苗茂  
盛各省麥收俱慶豐亨此皆我

皇上聖德同

天至誠感召之所致而猶

聖不自聖益加警惕佇見我

皇上福流有永慶衍無疆臣惟有與海疆百姓共戴浩

蕩

皇仁於靡既而已所有奉到

御批理合恭繳叩謝

天恩謹

奏

詩云立我蒸民貽我來牟今歲

上蒼降福頗有豐年穰穰氣象朕何德以堪此

同日又

奏爲恭繳

諭旨叩謝

天恩事臣齋摺家人回閩捧到臣前奏恭繳

諭旨一摺奉有

硃批臣跪讀之下不禁感激涕零隨即恭設香案率領

臣署老幼望

闕叩頭謝

恩訖伏念臣子黃炳前任山東巡撫封疆鉅任少年未  
諳加以賦性愚直每多招怨臣時刻憂心今蒙

皇上洪恩洞鑒臣子少年心性尚氣陵人與衆不睦調

補內任俾得保全又時加

教訓使其歷練老成猶如任用復

念臣愛犢私心遠頒

密諭令臣不必憂心似此

天恩真同

高厚生成實爲亘古所未有臣父子感激之忱口不能

言筆不能述繕摺至此情實難已不覺感激流涕

惟殫竭血誠實心効力日夜叩祝我

聖主萬壽無疆而已所有奉到

御批理合恭繳叩謝

天恩謹

奏

朕不靳殊恩以成全爾父子亦望爾父子感恩圖報爭  
自濯磨有以追踪千古賢臣垂名竹帛顧不光明俊偉  
歟若祇庸碌備員竊位保祿難免時論之所指摘且必  
妄加擬議謂爲朕潛邸舊識以名器濫假私恩朕豈肯



甘膺此昵比之枉乎爾父子要當互爲規戒交相砥礪  
以仰答朕知遇之恩庶不爲虛負耳設或不此之務而  
反恃恩縱恣天難諶命靡常則將來之得失榮辱亦未  
可逆料也總在爾父子審擇而自處之

同日又

奏爲恭繳

諭旨事

臣

齎摺家人回閩捧到

臣

前奏恭繳

諭旨一摺欽奉

硃批臣跪讀之下不禁感激奮勵之至伏念臣服官四

十餘年凡事自矢樸實不敢稍存緣飾恭遇我

皇上推誠置腹視臣子如心膂股肱凡在臣工稍有知

識者莫不愛戴尊親臣受

恩深重迥異尋常惟愧思慮不周無以仰報

高厚何敢稍存欺飾今蒙

皇上訓勉諄切臣惟益加奮勵事事實力奉行以期無

負

訓勉至意所有奉到

御批理合恭繳謹

奏

閱汝奏詞似出惻怛然所行有不當處汝自不覺如彭鵬之二子學業品行俱屬平常考其鄉評亦不聞甚美豈可懷曩日故吏私情舉爲孝廉以薦之朝廷乎汝於此事深爲朕輕縱念伊父粵中舊好於其家門細事時加青目亦足以伸酬報之意乃將此等庸材下士濫充

孝廉之選俾朕用舍兩難質之奏中不敢少存欺飾之  
語殊不相符矣每見爾等大吏往往私暱爲心流於黨  
比之習可奈何

將此諭亦令滿保知之

雍正二年七月十七日福建巡撫

臣黃國材謹

奏爲恭謝

天恩事

臣

齋摺家人回閩恭捧

恩賜

御筆詩扇一柄臣不勝感激榮幸之至隨恭設香案望

闕叩頭謝

恩祇領訖臣敬誦

天章金聲玉振之詞既超前而軼後恭瞻

宸翰鐵畫銀鈎之筆誠古法而今師臣以庸愚謬膺重

寄幸邀

恩賜益思報稱之難感激

褒嘉尤切冰兢之懼惟愈加奮勉竭盡心力恪供職守

以圖報

高厚之恩於萬一而已理合叩謝

天恩謹

奏

覽汝奏謝知道了汝之才情朕所素悉但於廉隅二字當加砥礪撫閩以來聲名原居督臣滿保之右近日滿保聲名頓然改觀汝少不逮矣及其老也戒之在得宜於此語時繹之以自警焉可也

同日又

奏爲恭謝

天恩事竊臣接閱家信內稱六月十二日奉

旨涂天相員缺著黃炳補授仍兼學士行走欽此臣聞

命自天感激無地隨恭設香案望

闕叩頭謝

恩訖伏念臣子黃炳賦性愚鈍前任山東巡撫寸長未

効荷蒙

天恩格外優容曲賜矜全調補內閣學士今復蒙

特恩補授刑部左侍郎

臣

子屢邀

高厚至於此極竊思刑部爲各省刑名總匯

臣

子膺此

重任恐才不稱職有負

聖恩惟誠勉臣子實心効力恪謹供職不敢一毫欺飾  
不敢一事懈怠忽以圖報

天恩於萬一而已理合繕摺奏謝

天恩謹



奏

黃炳心術似尚正但須歷練耳朕徐加琢磨以觀其成  
猶可器使之材也

同日又

奏爲恭繳

諭旨事臣齎摺家人回閩捧到臣前奏雨水米價一摺

奉有

硃批臣謹祇領伏念臣自到閩以來毫無報効百凡政

令咸賴

聖主時加教誨俾得事事祇遵至海疆雨水霑足收成  
豐厚尤皆我

皇上念切民生

天心感應所致臣之措置何敢當此茲蒙

諭旨臣惟益加敬畏勉勵凡事恪謹勤慎不遺餘力以  
期無負我

皇上訓勉之至意所有奉到

御批理合恭繳謹

奏

一切災祥實由朕與諸卿之所感召而至毫不可視爲  
渺茫無憑而懷或然或不然之心也敬畏二字斯湏毋  
忽

爾等所奏鹽務一摺留覽但聞革退商人之後地方有  
司奉行不善以致通省無藉窮民羣趨私販而其夥內  
有恃強爭奪毆擊相傷等情此事甚有關係若不早爲

稽察處置恐致別生枝節爾等一面將情形據實奏聞  
一面加意料理不可稍爲忽畧特諭

雍正二年八月初三日福建巡撫臣黃國材謹

奏爲恭繳

諭旨據實奏

聞事竊臣齎摺把總回閩恭捧

硃批諭旨一道到臣跪讀之下仰見我

皇上至聖至明無微不照臣敢不據實奏

聞自干欺飾之罪伏查上年九月間更改鹽政之初鹽務未有頭緒泉州沿海居住無藉窮民三五成羣紛紛私販甚至夥內恃強爭奪相毆事誠有之臣等訪聞隨即委員前往各處一面嚴查私販一面出示曉諭百姓併查明各處鹽場委員管理凡販買小民止收正課聽其挑賣不許勒索分文督臣與臣日夜留心稽察如稍有奉行不得法者立刻嚴行飭禁人心久已安帖並無私販恃強爭奪毆

擊相傷之處臣等身在地方何敢任其生事上厯  
天心至鹽價貴賤情由崇奉

上諭折中定價令各縣實力奉行不許高擡價值併飭  
行興泉道一體遵行在案目下鹽價已平地方俱  
各寧靜今蒙

諭旨臣絲毫不敢忽畧加意料理斷不致無藉私販之  
徒恃強爭奪毆擊相傷以致別生枝節有負

皇上厯念地方民生之盛心謹將現在情形據實奏

聞以慰

聖懷謹

奏

覽奏朕之疑懷渙然冰釋矣仍不時嚴爲稽察可也

同日又

奏爲恭謝

天恩事竊臣接閱家信內稱六月二十九日奉

旨王景灝著補授四川巡撫西安按察司員缺著黃焜

補授欽此臣聞

命之下不勝感激忻幸之至隨恭設香案望

闕叩頭謝

恩訖伏念臣以庸愚荷蒙

天恩稠疊有加無已臣長子黃焜前荷

主恩補授洮岷道寸長未効今又蒙

皇上格外洪恩補授西安按察使臣父子係何人斯一

門並沐



殊榮疊膺

異數至於此極雖生生世世長竭駑駘終不足以仰報  
萬一惟有勉盡心力永矢血誠并勛臣子黃焜事  
事實心効力以期圖報我

皇上天高地厚之

洪恩而已理合繕摺叩謝

天恩謹

奏

任官惟賢才朕恩豈肯假借爾子黃焜似能稱職王景  
灝材器頗優撫川可謂得人也

同日又

奏爲恭繳

諭旨叩謝

天恩事臣齋摺家人回閩捧到臣前爲臣子黃炳奉

旨調補內閣學士恭謝

天恩一摺欽奉

硃批臣跪讀之下不禁感激涕零恭設香案望

闕叩頭謝

恩訖伏念臣次子黃炳由內閣學士復蒙

天恩優渥補授刑部侍郎臣長子黃焜又荷

諭旨褒嘉旋蒙

天恩擢用西安按察使

主恩深重無以復加感激之忱銘心刻骨臣父子不知

生生世世如何圖報方克仰酬我

皇上高厚之恩於萬一所有奉到

御批理合恭繳叩謝

天恩謹

奏

覽奏已悉當切切訓勉伊等惟以真實爲務至誠不息  
天地所以悠久無疆誠之一字能篤信而固守之則爾  
之子孫綿遠祿位正未艾也

雍正二年八月十九日福建巡撫

臣

黃國材謹

奏爲微臣受

恩愈重戀

主愈殷叩懇

天恩准臣

陞見以伸瞻仰微忱事竊臣賦質愚蠢知識短淺仰荷  
高厚之恩畀以海疆重任兩載以來雖時奉

諭旨不啻耳提面命但未獲親仰

天顏莫遂瞻雲就日依戀之私臣實不能自己況臣疊

荷

皇上有加無已之恩雖經恭疏奏謝未獲親赴

闕廷叩謝

天恩臣心實難安查福建地方雖負山濱海事務繁劇  
有督臣覺羅滿保在閩日久民情土俗無不深知  
而又能仰體

皇上愛民勤政之

聖心封疆寧謐人民樂業臣雖年老尚可馳驛來京不

過月餘仰祈

皇上天恩准臣所請於封印後束裝輕騎星馳赴

闕瞻仰

天顏叩謝

天恩跪聆

聖訓之下有所遵循而日夜戀

主之微忱亦得以少慰矣臣不勝懇切待

命之至爲此具摺伏候

皇上睿鑒

恩准施行謹

奏

覽奏知卿出自悃忱但此行可以不必一者朕初承基緒政教伊始爾等封疆任重不可輕離二者爾年非少壯馳驛長途未免勞瘁況濱海數省督撫中爾尚爲朕昔年識面之人其餘姓名向皆不知者咸請陞見俱未允行若止令爾來京伊等胥懷疑畏矣當祇遵朕諭相



見有日惟將地方事務盡心經畫爲國家宣布德澤勝  
如往返馳驅僕僕道路也特諭

雍正二年九月初十日福建巡撫臣黃國材謹

奏爲恭繳

諭旨事

臣

齎摺把總回閩捧到

臣

前奏恭繳

諭旨一摺奉有

硃批

臣

跪讀之下仰見我

皇上愛民念切

天心與

聖心相爲孚應是以豐年穰穰戶樂盈寧天下臣民咸

歌

帝德於無疆也所有奉到

御批理合恭繳謹

奏

今歲各省雨暘時若滿擬可書大有不料浙東有海嘯  
之異沿海一帶戶口田廬被淹朕心深爲憫惻已諭該

撫等多方救濟矣密邇隣省諒必聞之

同日又

奏爲恭繳

諭旨叩謝

天恩事臣齎摺把總回閩捧到臣前奏恭繳

諭旨一摺欽奉

硃批臣跪讀之下不勝感激悚惶之至伏念臣父子蒙

皇上格外天恩委曲成全加意訓誨臣若不思竭力報

効而徒竊位保祿庸碌備員有負

主恩臣實犬馬不如矣至於恃

恩縱恣臣父子斷斷不敢嗣後惟有恪遵

訓旨仰體我

皇上提撕警覺之

聖心互爲規戒交相砥礪務竭愚誠以圖仰報

知遇洪恩於萬一所有奉到

御批理合恭繳叩謝

天恩謹

奏

芸芸黔首乃

聖祖六十餘年以來煦嫗之仁所生聚者朕荷

付託之重夙夜靡寧故於在廷諸王大臣亦時時開誠誥  
誠惟願君臣一德同心爲億兆謀衽席之安以期仰承  
皇考保民如赤之聖心而已爾其勉之以副朕懷

同日又

奏爲恭繳

諭旨事

臣齎摺把總回閩捧到

臣前奏恭聆

訓旨指示查緝海洋賊盜一摺欽奉

硃批仰見我

皇上睿慮無微不至於海洋賊盜行劫情形

指示纖悉靡遺又

諭以實力奉行不許苟且塞責

臣跪讀

諭旨實切悚惶兢惕益當嚴飭屬員實力奉行斷不敢

苟且塞責虛應故事更不敢陽奉陰違有負我  
皇上訓勉之至意所有奉到

御批理合恭繳謹

奏

朕之所望於卿等者正在此也果能言行相符則海疆  
士庶可以安枕無憂矣

同日又

奏爲恭繳

諭旨叩謝

天恩事臣齋摺家人回閩捧到臣前奏恭繳

聖訓一摺欽奉

硃批臣跪讀之下伏念我

皇上恩同覆載

明並日月

寬已往之愚蒙矜全格外

策將來之後效勉勵頻加臣恪遵



諭旨事事檢點留心訪察如有屬員貪婪不肖者立即  
題叅以副

皇上澄清吏治愛惜民生之至意所有奉到

御批理合恭繳叩謝

天恩謹

奏

激濁揚清固爲第一要務然不可稍涉冤抑朕前諭公  
之一字須時刻奉爲指南

同日又

奏爲恭繳

諭旨叩謝

天恩事臣齋摺把總回閩捧到臣前奏恭繳

諭旨一摺欽奉

硃批臣跪讀之下不勝惶悚戰慄之至隨將

諭旨傳與督臣覺羅滿保欽遵訖伏念臣賦性愚昧受

皇上恩施至優極渥若不思報

主而存私欺飾於

聖明之前斷斷不敢惟見我

皇上御極之初

垂念舊臣加

彭鵬粵撫一任考其晚節寧不有愧廉吏之稱乎  
恩及其子孫就臣愚見以彭聖坦聖坦係廉吏之子是

以冒昧題請叩懇

皇上格外洪恩念其先臣廉介果係廉介猶可藉詞其如不然何准其來京引

見令其不拘何處行走學習成人實未敢薦入孝廉之

列也今蒙

諭旨訓誨臣冒昧之罪實所難辭嗣後當恪遵  
大都私意未融終必致有悔吝即此可驗天理之不可  
違也諸事詳慎悉秉至公實心効力以圖報  
皇上天恩於萬一所有奉到

御批理合恭繳叩謝

天恩謹

奏

前車之覆後車之戒改過不悛其權在我

雍正二年十月十五日福建巡撫臣黃國材謹

奏爲奏

聞事竊查今年福建地方雨水調勻目下各府晚稻俱已收穫年成甚好米價照常福州府每石八錢九錢不等興化泉州二府每石九錢一兩不等漳州府每石一兩一二錢不等延平建寧汀州邵武等府每石八錢九錢不等各府地方寧謐人民安堵理合奏

聞以慰

聖懷謹

奏

據奏稻已登場民情安堵朕心深爲欣悅

同日又

奏爲恭繳

諭旨事臣齎摺家人回閩捧到臣奏繳

硃批接濟浙江米石一摺欽奉

硃批臣跪讀之下伏念臣賦質愚鈍荷蒙

皇上訓誨勉勵至再至三惟有恪遵

聖諭時刻以實力奉行四字敬謹勉勵力圖報効以期  
仰副我

皇上諄諄教誨之至意所有奉到

御批理合恭繳謹

奏

實力奉行四字乃我

皇考四十餘年諄諄誨朕之

訓旨也朕謹誌不忘今願與卿等共勉之

同日又

奏爲恭繳

諭旨叩謝

天恩事臣齎家人回閩捧到臣前奏報雨水一摺奉  
有

硃批臣跪讀之下仰見我



皇上聖不自聖時刻以敬

天勤民爲心雖治臻熙皞戶慶盈寧猶時凜

監觀益昭誠敬茲頒

諭旨令臣等共凜

天心之感應而又勉之以敬畏戒之以毋忽臣惟有刻刻

以敬畏自勉不敢一毫怠忽以期仰副我

皇上加意訓勉之至意所有奉到

御批理合恭繳叩謝

天恩謹

奏

對

天以敬持已以誠操存無間庶可仰不愧俯不忤也

同日又

奏爲恭繳

諭旨叩謝

天恩事

臣

齎摺家人回閩捧到

臣

前奏蒙

賜詩扇恭謝

天恩一摺欽奉

硃批臣跪讀之下不勝惶悚感愧之至伏念我

皇上聖明洞鑒遠邇不遺督臣覺羅滿保與臣同城共

事見其操守廉潔凡事悉秉至公誠實心爲

更將黨護私衷屏除淨盡始可謂實心爲國効力之人

今猶未也  
諭旨臣實欽仰

皇上之照臨如日月之中天無微不至也至於臣自幼

食貧茹苦備極艱辛自蒙

聖祖仁皇帝天高地厚之恩歷任內外四十餘年方得從

容度日臣今現有九子長子黃焜次子黃炳俱蒙

皇上天恩擢用侍郎臬司四子黃煒陝西乾州知州六

子黃炯驍騎校其餘諸子或在京城或在涿州俱

有房屋可以居住各有薄產可以養贍成立者得

食

天祿年幼者薄有家產臣若再營心家計不刻苦自勵

實犬馬不如也況臣年已六十五歲即竭力報効  
恐無多日臣豈肯辜負

主恩以干

天譴至於臣之操守

皇上自有

睿鑒臣惟有恪遵

聖訓以戒之在得四字時繹之以自警實心黽勉竭力

圖報以仰副我

皇上教誨於全之

盛心而已所有奉到

御批理合恭繳叩謝

天恩謹

奏

朕有聞即諭從不蓄疑藏怒於胸中無非欲卿等有則改之無則加勉之意耳即或朕有過失卿等亦當疊疊規諫以匡不逮如此則都俞吁咈之盛何難再見於今

日不必汲汲於諭旨之抑揚以爭聲價但反求諸己自信無慚即可對朕不餒也朕豈肯以耳代目採一二無稽之談以品定爾等封疆大吏之高下乎惟宜務本無庸逐末

同日又

奏爲恭繳

諭旨叩謝

天恩事

臣

齎摺家人回閩捧到

臣

前奏雨水年成一摺

奉有

硃批臣跪讀之下伏念我

皇上宵衣旰食念切民生近又蒙

天恩浩蕩蠲積歲之逋緩帶微之粟海疆之沾沐

洪恩有加無已而雨暘寒燠猶時時上廛

宸衷是以感名

天和獲此雨澤霑足收成豐稔之慶也臣見海疆百姓共

樂盈寧羣歌



帝德惟相與感激鼓舞頂祝

聖壽無疆耳所有奉到

御批理合恭繳叩謝

天恩謹

奏

朕代

天理物四海之內一夫不獲咎將誰歸所以御極以來夙  
夜兢兢而不敢少自暇豫也此心可告之

上帝

同日又

奏爲恭繳

諭旨事

臣

齎摺家人回閩捧到

臣

前奏恭繳鹽政

諭旨據實回奏一摺欽奉

硃批仰見我

皇上身居九重之上念周四海之遙惟恐更改鹽政以

來地方有恃強爭奪情事致厯

宸衷今覽臣奏地方並無爭奪緣由人情安帖

天心方慰又降

訓旨令臣等仍不時稽察欽此臣必當與督臣滿保時

刻留心稽查斷不使無藉之徒恃強爭奪務期海

疆寧謐以慰

聖懷所有奉到

御批理合恭繳謹

奏

閩省山海交錯民風頗僻況鹽徒易於生事稽察豈容  
少懈耶

雍正二年十一月二十六日福建巡撫

臣

黃國材

謹

奏爲恭繳

諭旨事

臣

齎摺家人回閩捧到

臣

前恭報雨水一摺欽

奉

硃批仰見我

皇上念切痼瘵

心殷拯卹一聞浙江沿海被災

聖衷深爲憫惻

勅下督撫即動帑金於山東河南江西湖廣等處買米  
運赴浙江以濟民食又屢頒

諭旨加意撫恤務令得所

臣聞

命之日爲浙江億萬生靈稱慶督臣滿保與臣仰體  
皇上愛民如子之

聖心會商浙江寧波紹興等處恐江西湖廣之米一時  
未能接濟遂先撥閩省倉穀碾米二萬石臺灣倉  
穀碾米三萬石現在由海運赴寧波紹興二府以  
應目下民食已會摺奏

聞諒蒙

聖鑒所有奉到

御批理合恭繳謹

奏

此舉可謂權變得宜卿等推廣朕心以爲心朕遵循  
皇考之政以爲政何愁天下不太平萬民不樂業耶朕實  
嘉之

同日又

奏爲恭繳

諭旨事

臣

齎摺把總回閩捧到

臣

前奏嚴緝海洋盜賊

一摺奉有

硃批

臣

跪讀之下仰見我

皇上屬望之殷勉勵之切伏念臣荷蒙

高厚之恩畀以封疆重任緝拏賊盜以靖地方以安良

善臣之職也既蒙

特頒訓旨指示情形又加以

訓勉諄切臣惟有恪遵

諭旨務期言行相符實力奉行使盜賊潛踪封疆寧謐

以仰副我

皇上慎重地方愛惜民生之至意所有奉到



御批理合恭繳謹

奏

東南一隅地處邊海時繫朕念果能禁暴安良民沾實惠

上蒼監觀不爽自必介福於爾也

同日又

奏爲恭繳

諭旨叩謝

天恩事臣齎摺把總回閩捧到臣奏繳

硃批舉薦彭鵬之子一摺奉有

硃批臣跪讀之下不勝感激惶悚之至伏念臣一時愚

昧錯薦彭鵬之子荷蒙

皇上天恩俯賜優容不加譴責又蒙開誠

指示私意未融必致終有悔吝臣愚昧之罪實無所逃

感激悚惶一時交集惟有恪遵

訓旨痛自改悔以期無負我

皇上教誨矜全之至意至於彭聖垣聖垣現在京師未經請

旨不敢回籍叩懇

天恩容臣遣人帶回令其在閩肄業少全臣之顏面則臣感激

聖恩不啻

天高地厚矣所有奉到

御批理合恭繳叩謝

天恩謹

奏

二人誠爲糞土朽木之質令回故土藏拙可也仍戒飭  
伊等安靜毋得於地方上招搖生事

雍正二年十二月二十四日福建巡撫

臣

黃國材

謹

奏爲奏

聞事雍正二年十二月初四日據臺廈道吳昌祚等報

稱鳳山縣南路山前生番有歷歷社等五社諸羅  
縣北路山前生番有本祿社等四社又鳳山縣山  
後傀儡生番有八里岡社等六十五社通計共七  
十四社共男婦五千七百九十九名口各遣土官  
造具戶口冊歸化前來臣即捐發銀兩飭行道府  
採買鹽布等物給賞俟督臣核明戶口冊照例會  
題外欽惟我

皇上御極以來

德威遠播

恩澤覃敷是以海外生番各皆感慕

聖治相率歸誠日益衆多此實古來罕覩之盛事所有  
生番歸化情由合行奏

聞謹

奏


朕以涼德踐膺大寶總賴我

皇考在天之靈有以庇佑之耳自即位以來考之

天時人事無僭無忒即如遠人向化皆不期而自至然朕  
實無慶幸之懷益增凜惕之誠也敬慎二字我君臣期  
共勉之

硃批諭旨卷十九上





總校官庶吉士臣侍朝

校對官編修臣馬啟泰

謄錄監生臣朱德元